



INATISARTUT

# TAC pisassiissutillu pillugit Inatsisartunut nassuiaat 2017

Aalisarnermut Piniarnermut Nunalerinermullu Naalackersuisoqarfik  
November 2018



## Siulequt

Naalakkersuisut sinnerlugit 2017-imi aalisarnermi pisassiissutinik TAC-inillu (Total Allowable Catch = akuerisaasumik pisarineqarsinnaasut tamarmiusut) aalajangersaanerit pillugit Inatsisartunut nassuiaat saqqummiutissavara. Inatsisartunit piginnaatitsissut naapertorlugu aalisarnermi TAC-inik pisassiissutinillu Naalakkersuisut ukiut tamaasa aalajangersaasarput pisassiissutinillu taakkuninnga agguaassisarlutik. Ilaatigut pisassiissutit ataasiakkaat pilersarnerannut tunngaviusoq, ilaatigullu pisassiissutit Kalaallit Nunaata nunallu Kalaallit Nunaata aalisarneq pillugu isumaqatigiissusiorfigisaasa kingornagut qanoq agguaanneqartarnerat nassuiaammi ilaatigut nassuiaatigineqarput. Nassuiaammi 2017-imut TAC-it pisassiissutillu allaaserineqarput, taakkununga ilanngullugit ukiup ingerlanerani allannguutaasimasut.

Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq

Nuuk, november 2018

## Imarisai

Siulequt .....	2
Tabelinut titartakkanullu takussutissaq .....	5
1. Tunuliaqutaq siunertarlu .....	6
2. Aallaqqaasiut .....	6
2.1 Avammut Niuernerup nalinga, Aningaasaqarneq Aalisarnerlu .....	7
3. Aalisakkat pingaarnerusumik niuerutigineqarsinnaasut .....	8
3.1 Raajat .....	8
3.1.1 Kitaani .....	8
3.1.2 Tunu .....	10
3.1.4 Avataasiarluni illuanilu sinerissap qanittuani raajarniarneq .....	10
3.1.3 Nunat tamalaat .....	11
3.2. Qalerallit .....	12
3.2.1 Kitaa .....	12
3.2.2 Tunu .....	13
3.2.3 Sinerissamut qanittumi .....	13
3.3 Saarullit .....	15
3.3.1 Avataasiortut .....	15
3.3.2 Sinerissamut qanittumi .....	15
4. Aalisakkat allat - avataasiarluni .....	15
4.1. Kalaallit Nunaata Kitaa .....	15
4.1.1 Tupissutit .....	15
4.1.2 Suluppaakkat .....	16
4.1.3 Nataarnat .....	16
4.1.4 Qeeqqat .....	16
4.1.5 Ammassat .....	16
4.5.6 Saattussat .....	16
4.2 Tunu .....	17
4.2.1. Tupissutit (Imminnguit) .....	17
4.2.2 Suluppaakkat – Tunu Islandilu .....	17
4.2.3 Suluppaakkat – Irmingerip Imartaa .....	17
4.2.4. Nataarnat .....	18
4.2.5. Qeeqqat .....	18
4.2.6. Ammassat .....	18
4.2.7. Saarullernat .....	18
4.2.8 Ammassassuit .....	19
4.2.9. Avaleraasartuut .....	19

4.2.10 Kapisillit ilaat guldlaks (misileraalluni aalisarneq) .....	19
4.2.11 Tinguttuut, Lange aamma Blålange (misileraalluni aalisarneq) .....	19
5. Aalisakkat allat - sinerissap qanittuani.....	20
5.2 Kalaallit Nunaata Kitaa.....	20
5.2.1 Saattussat.....	20
5.2.2 Uiluiit.....	20
5.2.3 Kapisillit .....	21
5.3 Tunu.....	21
5.3.1 Sinerissap qanittuani misileraalluni aalisarneq (Tunu).....	21
7. Illugiilluni isumaqatigiissutit.....	22
7.1. EU .....	22
7.2. Savalimmiut.....	23
7.3. Norge .....	24
7.4. Rusland .....	25
7.5. Island.....	25
7. 6 Nunat marluk aamma nunat arlallit suleqatigiinnerat.....	25
Ilanngussaq 1: Avataasiorluni aalisarneq, pisassiissutit 2017 .....	26
Ilanngussaq 2: Sinerissamut qanittumi aalisarneq, pisassiissutit 2017.....	27



## **Tabelinut titartakkanullu takussutissaq**

**Tabel 1** Aalisarneq pillugu Siunnersuisoqatigiinni ilaasortat

**Tabel 2** Kalaallit Nunaata Kitaani biologit raajanut siunnersuinerat 2010 – 2017 (tonsit)

**Tabel 3** Tunumi raajarniarnermut 2009-2017-imum biologit siunnersuinerat (tonsit)

**Tabel 4** Sinerissamut qanittumi 2009 – 2017 raajarniarnermut pisassiissutinit pisassat (tonsit).

**Tabel 5** Sinerissap qanittuani qaleralinniarnermut TAC 2011-2017 (tonsit)

**Tabel 6:** Sinerissap qanittuani saarullinniarnermut TAC 2013 – 2017 (tonsit).

**Tabel 7** Avataasiorluni saattuarniarnermut pisassiissutinit pigisat 2008-2017 (tonsit)

**Tabel 8** Sinerissamut qanittumi saattuarniarnermut TAC 2009 – 2017 (tonsit)

**Tabel 9:** Saattuarniarnermut TAC 2009 – 2017 – (tons).

**Tabel 10** Kalaallit Nunaata eqqaani EU-p aalisarnissamut periarfissai 2016-2020 (tonsit)

Uannga aaneqarput: [https://ec.europa.eu/fisheries/cfp/international/agreements/greenland\\_da](https://ec.europa.eu/fisheries/cfp/international/agreements/greenland_da)

**Tabel 11** Kalaallit Nunaata eqqaani Norgep 2017-mi pisassai (tonsit)

**Tabel 12** Norgep eqqaani Kalaallit Nunaata 2017-imi pisassai (tonsit)

**Tabel 13** Ruslandip Kalaallit Nunaata eqqaani 2017-imi pisassai (tonsit)

**Tabel 14** Ruslandip eqqaani Kalaallit Nunaata 2017-imi pisassai (tonsit)



## 1. Tunuliaqutaq siunertarlu

Inatsisartut inatsisaanni nr. 18, 31. oktober 1996-imeersumi § 5, imm. 1 aamma 2 naapertorlugit Kalaallit Nunaata imartaani aalisarnikkut oqartussaaffigisaani 2017-imut aalisakkanik TAC-it pisassiissutillu pillugit aalajangersaanerit matumuuna Naalakkersuisunit Inatsisartunut nassuiaatigineqarput.

## 2. Aallaqqaasiut

Kalaallit Nunaata imartami aalisarnikkut oqartussaaffigisaani aalisagaqatigiinnik assigiinngitsunik arlalinnik TAC-inik Naalakkersuisut ukiut tamaasa aalajangersaasarput. Kalaallit Nunaanni aalisagaqatigiinnut aalajangersimasunut ukiumoortumik TAC-inik aalajangersaareernermi, aalisariuteqatigiinnut avataasiortut sinerissamullu qanittumiittut akornanni agguanneqartarput, ilaalli Kalaallit Nunaata nunanut arlalinnut suleqatigisaanut immikkoortinneqartarlutik: EU-mut, Ruslandimut, Islandimut, Canadamut, Norgemut aamma Savalimmiunut.

Kalaallit Nunaanni Pinngortitaleriffimmit (PI) biologinit siunnersuisoqareernerata kingorna aamma Aalisarneq pillugu Siunnersuisoqatigiinni ilaasortanik oqaloqatigeereernerup kingorna Naalakkersuisunit TAC aalajangersarneqarpoq. Nunanit tamalaanit imaatigut ilisimatusarnikkut /aalisarnermut aqutsinikkut kattuffinnit ICES-imit<sup>1</sup> aamma NAFO-mit<sup>2</sup> paasissutissanik tunngaveqartumik siunnersuisoqartarpoq, tassani biologit kalaallit Atlantikup avannaani nunanit allanit arlalinneersunit suleqatiminnit suleqateqartarlutik. Umiarsuit allattaaviannit paasissutissat aalisagaqassutimik nalunaarsuinikkut sulinermi aammattaaq pingaaruteqarput. Aalisakkat assigiinngitsut pillugit siunnersuinerit nalinginnaasumik juunip qaammataani aammalu raajat saattuallu pillugit siunnersuinerit novembarimi pisarput.

Naalakkersuisut TAC-inik aalajangiinnginneranni Aalisarneq pillugu Siunnersuisoqatigiit aalisarneq pillugu inatsimmi § 32, imm. 2 naapertorlugu tusarniarneqartartussaapput. Maannakkut Aalisarneq pillugu Siunnersuisoqatigiinni ilaasortat ukuupput:

*Tabel 1: Aalisarneq pillugu Siunnersuisoqatigiinni ilaasortat*

Ingerlatalik	Pisariaqarpat Naalisarnera
Kalaallit Nunaanni Sulisitsisut	GE
Kalaallit Nunaanni Aalisartut Piniartullu Kattuffiat	KNAPK
Sulinermit Inuussutissarsiuteqartut Kattuffiat	SIK
Nunaqavissut Suliffiutillit Kattuffiat	NUSUKA
Kalaallit Nunaanni Kommunit Kattuffiat	KANUKOKA
Sinerissap Qanittuani Aalisartut Piniartullu Kattuffianit	SQAPK
Aalisarnermut Piniarnermut Nunalerinermullu Naalakkersuisoqarfik	APNN
Kalaallit Nunaanni Pinngortitaleriffik	Pinngortitaleriffik
Kalaallit Nunaanni Aalisarsinnaanermut Akuersissutinik Nakkutilliisoqarfik	KANUAANA

<sup>1</sup> International Council for the Exploration of the Sea – Nunani tamalaani Imaatigut Ilisimatusarnermut Siunnersuisoqatigiit

<sup>2</sup> Northwest Atlantic Fisheries Organization – Atlantikup Avannaani Aalisarnikkut Kattuffik

---

 Inuussutissarsiornermut

Nukissiuuteqarnermullu Naalakkersuisoqarfik

Pinngortitamut, Avatangiisinut

Ilisimatusarnermullu Naalakkersuisoqarfik

Aningaasaqarnermut Nunanilu Avannarlerni

suleqatigiinnermut Naalakkersuisoqarfik

---

Taamaalillutik kalaallit TAC-annit aalajangersaasarnermut ingerlatallit arlalippassuit peqataapput taamatullu arlalinnik peqataatitsinerup siunertaa tassaavoq, pisiaqartinneqartunik uumassuseqarnikkut soorlutaaq inuiaqatigiinnut mianerisassat isumagineqarnissaat qulakkiissallugu Kalaallit Nunaannut immikkoortortaqaqfiup aningaasatigut isaatitsinerpaasartup aalajangersaavigineqartarnerani.

## 2.1 Avammut Niuernerp nalinga, Aningaasaqarneq Aalisarnerlu

Kalaallit Nunaannit avammut nioqqutigineqartartut tasaanerupput aalisakkanik qalerualinnillu tunisassiat. Taamatut avammut niuernermi annermik raajat, qalerallit saarulliillu pineqarput. Aalisakkanut taakkununga pingasunut avammut niuernermi nalingat pillugu immikkoortumi tulliuuttumi nassuiaasoqassaaq. Kalaallit Nunaata avammut niuernera Danmark imaluunniit Island akunnermiliuttutut aqqusaarlugit pingaarnerusutigut ingerlanneqartarpoq, tunisassiarpassuillu tamatuma kingorna EU-mi nunanut allanut EU-lluunniit avataani avammut niuerutigineqaqqittarlutik.

2016-imiit 2017-imut raajanut, qalerallinnut saarullinnullu tamakkiisumik avammut niuernermi nalingat 175 mio. kroniniit 2,828 mia. kroninut apparpoq, tamannalu 6 %-imik appararneruvoq. Appararnermut pingaarnermik avammut nioqqutigineqartut 5.600 tonsinik appararfiunerat pissutaapput. Raajat, qalerallit saarulliillu Kalaallit Nunaata avammut nioqqutigisaasa tamarmiusut 75 %-erivaat. Taakku saniatigut nunatta avammut nioqqutigisaasa 20 %-ii aalisagaapput allat qaleruallillu, taamaalillutillu taakku tamakkerlutik 2017-imi nalingisa 95 %-ii aalisakkaneersuullutillu qalerualinneersuupput.

### Raajat

Avammut niuernikkut naatsorsueqqissaartarnermi raajat immikkoortunut marlunnet avinneqartarput, tamarmik qerisut, *raajat qalipallit* kiisalu *raajat qalipaajakkat*.

Raajat qalipallit avammut nioqqutigineranni 2017-imi 1,003 mia. kr.-inik naleqarput, 2016-imullu naleqqiullugu avammut niurneq 124 mio. kr.-inik naleqalersimavoq. Tamannalu 14 %-inik qaffariarneruvoq. Agguaqatigiissillugu kiilumut akigitinneqartoq 2016-imiit 2017-imut allannornikuunngilaq.

Raajat qalipaajakkat avammut nioqqutiginerisa nalingat 2016-imiit 2017-imut 44 mio. kr.-inik (-7 %) appararfiulluni 619 mio. kr.-inik naleqalersimavoq. Tunineqartartut ikileriarsimanagerat appararnermut pingaarnepaavoq.

Ataatsimut isigalugu raajanik avammut nioqquteqarnerup nalinga 2016-imiit 2017-imut 80 mio. kr.-inik qaffariarfiusimavoq, tamannalu 5 %-imik qaffariarneruvoq. Taamatut ineriartornermut ilaavoq avammut nioqqutigineqartut 3.679 tonsinik (+7 %) qaffariarfiusimanagerat aamma raajanik tunisassiat avammut nioqqutigineqartut akimorlugit agguaqatigiissillugu 2 %-imik akitigut

appariarfiusimanerat. Taamaalillutik pisat amerlassusaat nalimut qaffariaataasimapput, akigitinneqartullu allanngorpiarsimanatik.

2017-imi raajat avammut nioqqutigineqartut nalingat Kalaallit Nunaata avammut nioqqutaasa tamarmiusut 43 %-erivaat.

### **Qalerallit**

Avammut niuernerup nalingata uuttorneqartarnerani aalisakkat nioqqutigineqartartut qalerallit pingaarnepaat tulleraat. Qalerallit avammut nioqqutigineranni nalingat 2016-imiit 2017-imut 239 mio. kr.-inik appariarfiuvoq, 2017-imilu 837 mio. kr.-inik naleqarluni. Tamanna avammut niuernerup nalingata 22 %-imik appariarfiuneranut naapertuuppoq. Taamatut ineriartortoqarneranut avammut nioqqutigineqartut 9.223 tonsinik (-24 %) appariarfiusimanerat annermik pissutaapput, peqatigalugulu kiilumut akigitinneqartoq agguaqatigiissillugu 2%-imik (0,6 kr/kg) qaffalaarsimalluni.

2017-imi tamakkiisumik Kalaallit Nunaata avammut niuernerani qalerallit avammut niuerutigineqartut nalingat 22 %-mik annertussuseqarpoq.

### **Saarulliit**

Saarulliit avammut nioqqutigineqartut nalingat 2016-imiit 2017-imut 4 %-imik imaluunniit 16 mio. kr.-inik appariarsimapput. Taamatut ineriartortoqarneranut annermik kiilumut akigitinneqartup kiilumut 0,6 kr.-inik (4%) appariarfiunera nassuiaataasinnaavoq, tamatumalu saniatigut avammut nioqqutigineqartut 34 tonsinik (0,1%) suunngitsunik appariarfiusimallutik.

Saarullinnik avammut nioqquteqarnerup nalinga 2017-imi Kalaallit Nunaata avammut niuerutigisaasa tamarmiusut 10 %-erivaat.

## **3. Aalisakkat pingaarnerusumik niuerutigineqarsinnaasut**

Tullinnguutuuni Kalaallit Nunaanni aalisakkat niuerutigineqarnerpaat tassalu; raajat, qalerallit saarulliillu pillugit biologit siunnersuutaat kiisalu 2017-imut TAC-it pisassiissutit aalajangerneqarsimasut saqqummiunneqarput. Immikkoortumi siulianiittumi takutinneqareersutut, aalisakkat pingasuusut taakku Kalaallit Nunaata aningaasarsiorneranut pingaarutilerujussuupput, aalisakkammi pineqartut Kalaallit Nunaata tamakkiisumik avammut niuernerata 75 %-rimmatigit.

Taamaammat aalisakkanut taakkununga pingasuusunut ataatsimut misissuinissaq pingaartinneqarsimavoq, tamannalu aalisakkat sinerissap qanittuaniittut avataaniittullu allat misissorneqarnerannik kiisalu Kalaallit Nunaata nunanik tamalaanik isumaqatigiissutaasa suunerannik misissuineq tullinnguussimalluni.

### **3.1 Raajat**

#### **3.1.1 Kitaani**

Kalaallit Nunaata Kitaani 2017-imut biologit siunnersuutaat tassaavoq annertunerpaamik 90.000 tonsinik aalisartoqassasoq. Siorna aamma taamaappoq. 2016-imut siunnersuineri tupaallannartumik pisassat 50 %-imik qaffallutik 60.000 tonsiniit 90.000 tonsinngorput, tassungalu atatillugu mianerinninnermik tungaveqarneq naleqqussariartornissarlu Pinngortitaleriffiup eqquppai. Tamatuma kinguneraa 2016-imut TAC biologit siunnersuineranniit appasinnerusumut inissinneqarmat, taamaalillunilu naleqqussariartornissaq aallartinneqarluni. 90.000 tonsinut siunnersuinerit 2017-imut aalajangiusimaneqarmata ukioq kingulleq biologit siunnersuinerannut naleqqussariartornissaq 2016-imi aallartinneqartoq taamaalilluni naavoq. Biologit siunnersuinerisa attatiinnarnissaa ajunngitsumut saanneqartut aamma isigineqarsinnaavoq.



Taamatut siunnersuinermit naleqqussariartorneq inuiaqatigiit tungaasigut inuiaqatigiillu aningaasaqarniarnerannut iluaqutaasussanik arlalinnik sunniuteqarpoq. Ukiumiit ukiumut TAC-imik annertuumik qaffaanerup appaanerulluunniit Kalaallit Nunaata raajanut MSC-imik nalunaaqutsinera navianartorsiortilersinnaavaa, tassami allannguerujussuarnerit nammineq aqutsinikkut periutsimut akerliummat. TAC-imi annertuunik allannguinerit raajat akiinik aamma allannguerujussuarsinnaapput. Tassami TAC qaffasinneruppat, taava suli annertunerusunik akit apparsinnaanerat naatsorsuutigineqarsinnaavoq aammattaq ukiumiit tullianut annertuunik qaffariarnerit taamaasillutik annertunerusunik pisinneqarsinnaasutigut annertussutsini aningaasaqarnikkut iluanaarutit mangiarneqalersinnaanerat aarlerinarsinnaavoq.

Ilanngullugulu taaneqassaaq biologit siunnersuinerat ilisimatusarnertut tamakkiisumik taaneqarsinnaanngimmat, TAC-imilli arlaatigut aalajangiisoqarnerani raajaqassutsip uumasooqassutsikkut illersorneqarsinnaanngitsumik ikileriarsinnaanissaat aarleqqutigineqarneranik ersersitsisuulluni. Ukunut kingulliunerusunut siunnersuinerit kiisalu TAC pillugu aalajangiunneqartut tabel 2-mi takutinneqarput.

Tabel 2: Kalaallit Nunaata Kitaani biologit raajanut siunnersuisarnerat 2010 – 2017 (tonsit).

Kalaallit Nunaata Kitaa	2010	2011	2012	2013	2014	2015	2016	2017
Siunnersuineq*	110.000	120.000	90.000	80.000	80.000	60.000	90.000	90.000
TAC	114.570	124.000	105.000	90.000	85.000	73.000	85.000	90.000

\*Pissarsivik: Kalaallit Nunaanni Pinngortitaleriffik

Soorlu tabelimi siulianiittumi takuneqarsinnaasoq ineriartornermi ukiuni kingullerni ersersinneqartoq 2016 allanngoriarfiupiloorsimavoq. Ukioq 2011 sioqqullugu taamaaginnapajaariarluni siunnersuinerit tassanngaanaq appariarfiulerput; siullermik 2011-2012-imut 30.000 tonsinik appartitsisoqarluni, tamatumalu kingorna 2014-2015-imut 20.000 tonsinik appartitsisoqarluni. Taamaammat 2015-2016-imut 30.000 tonsinik qaffaasimaneq tupaallannarsimavoq, tassami ukiuni siuliini taamatut qaffaasoqarnissaanut tunngaviusinnaasunik soqarsimannngimmat. Tabel 2-mi aamma takuneqarsinnaavoq TAC siunnersuinerup ineriartorfiuneranut malinnaajuarsimasooq, naak biologit siunnersuinerannut sanilliullugu amerlanerulaartunik ikinnerulaartunilluunniit tunniussisoqartarsimagaluartoq. Taamatut assigiinnngissuteqartoqarnera TAC-ip siunnersuinermit sanilliullugu allanngorsimanera, taamaalillunilu siunnersuinermit allanngorujussuarinissaangaluanut pakkersimaarinninnermik kinguneqarluni.

Kitaata imartaani raajanut TAC-imik aalajangersaanermi aamma raajarniarnermit aqutsinissamik pilersaarut malinneqarmat, taassumalu eqqunneqarnera aalisarnerup MSC-mik nalunaaqquuserniarlugu ilungersuuteqarnikkut anguneqarluni. Aqutsinissamat pilersaarummi allassimavoq TAC-imik aalajangersaanerup biologit siunnersuinerat malissagaa, taamaattorli una ilassutigalugu aatsaat immikkorluinnaq pisoqarsimatillugu 12,5 %-imik annertunerusunik TAC-imi ukiumoortumik nikeriarnermik kinguneqartumik TAC aalajangersarneqartassasoq. Peqatigitillugu biologit siunnersuutaannut naleqqussaaneq ukiunik pingasunik sivisunerusunik sivisussuseqartariaqanngilaq.

2013-imi kalaallit nunaata kitaani raajarniarneq MSC-mik nalunaaqutsersorneqalerpoq. Tamanna biologit siunnersuinerannut malinninnissamat kaammattuinerulersitsivoq. 2013-imut biologit siunnersuinerat suli 90.000 tonsiniit 2012-imi 80.000 tonsinut appariarpoq. 2014-imi siunnersuineq suli 80.000 tonsiuvoq, TAC-imillu suli appartitsisoqarluni siunertaralugu aqutsinissamik pilersaarummit malinnissinnaanissap pisariaqartimmagu biologit siunnersuinerannut

atsikkutitaartumik naleqqussariartuaarnissaq. 2015-imi aammaarluni tassanngaannartumik biologit kaammattuutigisaat 2014-imi 80.000 tonsiniit 2015-imi 60.000 tonsinut appariarpoq. Raajarniarnermu+t aqutsinissamik pilersaarummi maleruagassatut allaatigineqarsimasut naapertorlugit, taamaattumik 2015-imi TAC 73.000 tonsinut aalajangiunneqarpoq. Taamaalilluni taamatut 2016-imit siunnersuineri sakkortuumik qaffariarnej nutaamik unammillertitsivoq TAC-imi aalajangersaanermi qanoq iliorluni qisuariartoqartariaqartoq. Soorlu oqaatigineqartut TAC aalajangiunneqarpoq mianersortumik periuaseqarnej naapertorlugu, tamannalu uumasooqassutsikkut-inuiaqatigiussutsimi- aamma aningaasaqarnikkut iluaquteqarpoq. Biologit siunnersuinerat 2017-imit aalajangiusimaneqarsimammat TAC-i 2017-imi biologit siunnersuinerat assigalugu iluarsineqarsinnaasimavoq inissinneqarsinnaasimallunilu.

### 3.1.2 Tunu

2014-imi apparipiloorfiunerata kingorna Tunumut biologit siunnersuinerat 2.000 tonsinut aalajangiusimaneqarsinnaasimavoq. Taamatut tassanngaannaq amerlanerpaanik pisarineqarsinnaasutut kaammattuutip appariaaernerata kingunerisimavaa, Kalaallit Nunaata nunani tamalaani pisussaaffii tamatumalu kingunerisaanik aningaasaqarnikkut kingunerisinnaasat eqqarsaatigalugit, Kalaallit Nunaannut periarfissaasimanngilaq ingerlaannartumik TAC-imit siunnersuutaasumut naleqqussarnissaq. Tamanna pissutigalugu naleqqussarnissaq sallaatumik aallartinneqarpoq, tamannalu 2017-imi ingerlaannassaaq. 2014-imi TAC 8.300 tonsiuvoq, 2015-imi 6.100 tonsiulluni, 2016-imi 5.300 tonsiuvoq 2017-imilu 5.000 tonsinut inissinneqarsimalluni.

Aalisarnej pillugu EU-mik isumaqatigiissut naapertorlugu Kalaallit Nunaata pisussaaffigaa Tunumi EU-mut 5.100 tonsinik raajanik neqerooruteqassalluni. 2016-imili novembarimi Joint Committee Meeting (JCM) ingerlanneqarnerani kisitsisit taakku 2017-imit 4.150 tonsinut allangortinneqassasut aalajangerneqarpoq. Ukiuni kingulliunerusuni misilittakkatigit paasinarsisimavoq 850 tonsit sinneruttut kalaallit umiarsuaatileqatigiiffiinut naammattussaagaluartut. 2017-imimi Tunumi 383.534 tonsit kalaallit umiarsuaatileqatigiiffiannit aalisarnejarput.

Tabel 3: Tunumi raajarniarnermut 2009-2017-imit biologit siunnersuutaat (tonsit).

Tunu	2009	2010	2011	2012	2013	2014	2015	2016	2017
Siunnersuineq*	12.400	12.400	12.400	12.400	12.400	2.000	2.000	2.000	2.000
TAC	12.400	12.400	12.400	12.400	12.400	8.300	6.100	5.300	5.000

\*Pissarsivik: Kalaallit Nunaanni Pinngortitaleriffik

### 3.1.4 Avataasiarluni illuanilu sinerissap qanittuani raajarniarnej

Kitaanut raajanut pisassiissutit tamarmiusut 90.000 tonsiusut ilaat Canadamut EU-mullu immikkoortinneqarput. Canada 2017-imi 1.044 tonsinik pissarsivoq, tamatumani MSC-imi nalunaaqutsersuisarnissap aalajangiussimaneqarnissaa piumasarineqarluni, tassami avinneqartussaapput Canadap annikitsumik pissarsiffigisassai. Allatut ajornartumik Kalaallit Nunaata pisassat annikinnerusut Canadamut inniminnertariaqartarpei, Canadap aamma Kalaallit Nunaata akornanni pisuussutit pillugit aqutsiviginninnissamik ataatsimoorussamik isumaqatigiissuteqarsimatinnagit. Aamma EU-mik aalisarnermik isumaqatigiissut naapertorlugu 2.600 tonsit EU-mut immikkoortinneqartussaaput.

Aalisakkat sinneruttut 86.356 tonsit agguaassinissamut najoqqutassaq inatsisitigit aalajangersarneqartoq malillugu agguarneqassapput, takuuk Aalisarnej pillugu inatsimmi § 5, imm. 3, tassani TAC-init tamarmiusunit avataasiortut 57 %-imik sinerissamilu qanittumi aalisartut 43 %-imik tunineqartussaapput. Taamatut agguaasseriaaseq, avataasiarluni sinerissallu qanittuani



aalisarnerup akornani pisassiissutinik agguaassisarnerup annertuumik pisariinnerulerneranik oqaatiginnittuovoq, 2002-miillu atuuttuusimalluni.

Sinerissap qanittuani 2009-ip kingorna raajanut pisassiissutit ilaat tabel 4-mi takutinneqarput.

Tabel 4: Sinerissamat qanittumi 2009 – 2017 raajarniarnermut pisassiissutinit pisassat (tonsit).

Sinerissap qanittuani	2009	2010	2011	2012	2013	2014	2015	2016	2017
Pisassiissutit pigisat	49.265	47.545	51.600	42.000	36.061	34.145	29,696	34,486	37.133

Pissarsiffik: KANUAANA.

2017-imi TAC-mit tamarmiusumit 86.356 tonsiusumit taamaalilluni angallatinut avataasiortunut 49.223 tonsit tunniunneqarput, sinerissallu qanittuani angallatinut 37.133 tonsit tunniunneqarlutik. Pisassiissutinit sinneruttut EU-mik Aalisarnek pillugu Isumaqaatigiissut naapertorlugu EU-mi angallatinut 2.600 tonsit agguaanneqarput aamma kalaallit tungaannit periuseq nutaaq malillugu 1.044 tonsit Canadamut tunniunneqarlutik, Kalaallillu Nunaata kitaani raajat MSC-mik nalunaaqutsersuiffiginissaasa ingerlaannarnissaa eqqarsaatigalugu Canadamut ingerlaannaq immikkoortitsisoqarsimalluni. Siunissami MSC-mik nalunaaqutsersuisarnissamat piunasaqaataavoq aqutsinissaq pillugu Canadamik isumaqaatigiissusiussasugut. Canadamut pisassiissutit sumiiffimmi pineqartumi Canadap imartaata annertussusaa aammalu Canadami peqassutsimut procentinngorlugu naliliineq aammalu Canadamiut ukiuni tallimani kingullerni pisaat tunngavigalugit oqimaaqaatigiissitsinikkut naatsorsorneqartarput.

### 3.1.3 Nunat tamalaat

#### Flemish Cap eqqaani raajat (NAFO-mi sumiiffik 3M))

Flemish Cap eqqaani raajarniarnek (NAFO-mi sumiiffik 3M) nunat tamalaat imartaanni ingerlanneqartarpoq, aalisarnerlu NAFO aqutugalugu killilersorneqarluni. Aalisarsinnaatitaaneq ullut aalisarfiit atorlugit naatsorsorneqartarpoq.

Kalaallit Nunaat ukiut siulii assigalugit 2017-mi ullunik aalisarfeqarsimanngilaq, 2010-milu NAFO-mi ukiumoortumik ataatsimiittoqareermat biologit siunnersuinerannut naapertuuttumik kinguartitsinermik eqqussisoqarnissaa aalajangiunneqarpoq. Taamatut kinguartitsineq taamanimiilli aalajangiusimaneqarsimavoq. Tamanna pivoq ukiumoortumik 2011, 2012, 2013, 2014, 2015 aamma 2016-imi ataatsimiittarni.

#### Grand Bank-ip eqqaani raajat (NAFO-mi sumiiffik 3L))

New Foundlandip avataani Grand Bank-ip eqqaani (NAFO-mi sumiiffimmi 3L-imi) raajat Canadap aalisarnermi oqartussaaffigisaata iluaniinnerupput, kisiannili raajaqarfimmi sumiiffik mikinerusoq pingaaruteqartoq nunat tamalaat imartaaniilluni. Canada-p NAFO-llu 1999-imi isumaqaatigiissutaat naapertorlugu Canada sumiiffimmi tassani raajanut TAC-ip tamarmiusup 5/6-ia pissavaa, nunanimi tamalaani sumiiffimmi 3L-imi raajaqassuseq canada-miut raajaqassusiata ilagaat Canada-lu 200 sømilinik killeqarfiata iluanniilluni. Annertussutsillu sinneruttut, isumaqaatigiissut naapertorlugu amerlaqaatigiissillugit akuusuni atsioqaatigiissimasut allat akornanni agguarneqassallutik.

2003-miilli DFG (Danmark Savalimmiut Kalaallillu Nunaat sinnerlugit) akuusutut atsioqaatigiissimasut taamatut agguaassisimanermut akerliuniarsimavoq, Savalimmiut oqaluttuarisaanikkut aalisarnerminnik kiisalu sumiiffimmi uumassusilinnik ilisimatusarnermut il.il. akuusimanerminnik tunngavilersorlutik, TAC-mit maannakkut agguaassinikkut pissarsiarineqarsinnaasunit annertunerusumik pissarsiasaqartutut piunasaqaateqartarnerannut isumaqarnertik pissutigalugu. Tamannali 2015-miit tunngaviusunnarmik pingaaruteqarsimavoq, tassami pisassiissutit 0 tonsiummata.

Raajaqassuseq piffissami annikilliertorsimavoq, taamaattumillu 2015-imiit 0 tonsinut aalajangiunneqarsimalluni. 2014-imi NAFO-mi ukiumoortumik ataatsimiinnermi taassuma aalajangiunneqarfiani, sumiiffiup matuneqarnissaanut oqaasertalersuinissaq isumaqatigiissutigineqarsinnaasimanngilaq. Taamaattumik taarsiullugu sumiiffimmik matusigallartoqarnissaanik aalajangiisoqarpoq 0 tonsinik pisassiisoqarneratigut. 2015-imi ukiumoortumik ataatsimiinnermi aalajangiuteqqinneqarpoq 2016-imut pisassiissutit 0 tonsinut aalajangiullugit. Taamaasilluni sumiiffik piviusumik suli raajarniarfigineqarnissaminut matoqqavoq.

Kalaallit Nunaata sumiiffimmut oqaluttuarisaanikkut aalisarsinnaanermut piginnaatitaaffini pigiinnassavai DFG-mut ilaasutut, ukiut ingerlanerini aalisarnermut ammaasseqqittoqassagaluarpat.

### Svalbard-ip eqqaani raajat

Norgemut 1992-imut aalisarnek pillugu isumaqatigiissuteqarnermi Kalaallit Nunaata erseqqissaatigaa Kalaallit Nunaata/Danmarkip "aalisarnermik illersuiffiusoq" pillugu norskit namminersorlutik nalunaarutaat akuerisinnaasimanngikkitik, taannalu Norgep Svalbardip eqqaani aalisarnermik killilersuinermi atuutilersippaa. Ukiut tamaasa Norge-mit nunat marluk akornanni isumaqatiginniarnerni Kalaallit Nunaata inissisimanini nalunaarutigisarpaa, tamannalu isumaqatigiissummut ilanngussamut allanneqartarpoq. 2017-imut isumaqatigiissummut tapiliussami siornatigut oqaasertaliunneqartut taamaalillutik atorneqarput:

*"Svalbard-ip eqqaani raajarniarnek eqqarsaatigalugu norskit aallartitaasa oqaatigaat Svalbard-ip eqqaani raajarniarnek pillugu peqqussutit 19. juli 1996-imi atuutilersinneqartut atortuutinneqassasut. Kalaallit aallartitaasa tassunga atatillugu killilersuineq taanna pillugu isumartik tusagassiutinut nalunaarummi ersittoq norskit oqartussaasuinut 11. september 1997-imi tunniunneqartoq oqaatigaat."*

Svalbard-ip eqqaani raajarniarnermi norskit peqqussutaanut 1997-imeersunut atuuttunut (tassa Kalaallit Nunaata akuerinngisaannut) tunngatillugu Kalaallit Nunaat kilisaatit tallimat atorlugit ulluni aalisarfiusuni 450-imi raajarniarsinnaavoq. Kalaallit Nunaata 1980-ikkut aallartinnerini ukiuni arlalinni taamatut periarfissaqarnini atortarsimanngilaa. Kalaallilli imartaanni raajanut pisassiissutit ukiumoortumik annikillisinneqartarnerisa Svalbard-ip eqqaani ullunut aalisarfiusunut soqutiginnikkiartuaarneq kingunerisimavaat, taamaattumillu 2013-miilli kalaallit angallataasa sumiiffimmi aalisarnek aallarteqqissimavaat. Taamaalilluni 2017-imi Svalbardimi raajat 3.463 tonsit ingerlatseqatigiiffiit pingasuusut aalisarsimavaat.

## 3.2. Qalerallit

### 3.2.1 Kitaa

Pisassiiffimmi SV-mi (Ikersuaq Davis) avataasiarluni qaleralinniarnissamut biologit siunnersuineranni 2017-imut TAC-imi 15.150 tonsit pisassiissutigineqarnissaat inassutigineqarpoq, tamannalu 2016-imut sanilliullugu 1.150 tonsinik qaffariarneruvoq. Qalerallit Canadap aamma Kalaallit Nunaata assigiimmik avittarpaat, Davis Strædemilu qaleraeqassuseq aalaakkaasutut isigineqarpoq. Kalaallit pisassiissutinit pissaat taamaalillutik 2017-imi aqutsiveqarfimmi SV-mi (Davis Strædemi) 7.575 tonsiupput.

Pisassiiffimmi NV-mi (Baffinip Kangerliumanersuani) Davis Strædimut pisassiissutit assigalugit Canadalu assigiimmik avittarpavut. 2017-imut 17.150 tonsit siunnersuutaapput, tamannalu 2016-

imiit 1.150 tonsinik qaffariarneruvoq. 2017-imi kalaallit pisassaat taamaalillutik 8.575 tonsiusimapput. 1.500 tonsit 2014-imi Maniitsumut Naalakkersuisut tamakkiisumik pinngitsooratik tulaanneqartussatut aalajangiiffigisaat sulii atuussimavoq Maniitsumi suliaasaqartitsilersimaneq ingerlatiinnarniarlugu.

Ataatsimoortumik qaleraliutit agguanneqarnissaat pillugu Kalaallit Nunaat Canada-mut aqutsinissamik sulii isumaqatigiissuteqanngilaq, kisiannili maannamut periususooq tassaavoq illuatungeriit TAC-ip assigiimmik avinneqarnissaa nipaatumik akuersaartaraat.

### 3.2.2 Tunu

Tunumi qaleraleqassuseq Island Savalimmiullu peqatigalugit ataatsimoorunneqarput. Siusinnerusukkut Islandip imartaani qalorsuit atorlugit aalisarnerup annertunersaa ingerlanneqartarnikuvoq, ukiunili kingullerni aalisarneq annertusiartortoq Kalaallit Nunaata imartaanut nuukkiartorsimavoq.

Tunumi, Islandimi Savalimmiunilu qaleraleqassutsimut ICES-ip 2017-imut siunnersuutigaa sumiiffimmi pisarineqartut 24.000 tonsit sinnissanngikkaat. Tamanna 2016-imut sanilliullugu 2.000 tonsinik qaffariarneruvoq.

2012-imi ICES siunnersuinermini aalisagaqassuseq isiginiarlugu naalagaaffiit sineriallit akornanni aqutsinermik isumaqatigiissusiussasut kaammattuutigineqarpoq. Islandip, kalaallit savalimmiullu imartaanni peqassutsit tamakkerlugit aamma siunnersuisoqartarpoq. 2008-p aamma 2009-p ingerlanerani iluatsitsiviunngitsunik isumaqatigiinniartoqareersoq, 2012-imi Island Kalaallillu Nunaat arlaleriarluni isumaqatiginninniartoqareersoq aalisarnermi ingerlataqartunut annernut marlunnut Tunumi aqutsinissamik isumaqatigiissuteqarput pisassiissutillu agguarnissaat isumaqatigiissutigineqarluni. Tamatuma ilaatigut kinguneraa TAC 2014-ip tungaanut biologit siunnersuinerannut naleqqussarneqarmat, tamassumalu kingorna piffissamut ungasinnerusumut aqutsinermut pilersaarut atuutilerluni.

Isumaqatigiissut taanna naapertorlugu Kalaallit Nunaannut 2017-imi 9.024 tonsit tunniunneqarput. Nunat marluk isumaqatigiissutaat naapertorlugit Kalaallit Nunaat EU-mut, Ruslandimut Norgemullu Tunumi qalerallitassii voq.

### 3.2.3 Sinerissamut qanittumi

Aqutsiveqarfimmut pingasuusunut, tassalu Qeqertarsuup Tunuanut, Uummannamut Upernavimmullu, sinerissap qanittuani immikkoortumik qalerallinnut pisassiisoqartarnerata ingerlaannarnissaa biologit 2017-imi inassutigaa.

Inuussutissarsiutigalugu aalisarnermi oqaluttuarisaanikkut paasissutissat aamma uumassusilerinikkut misissuinerit qangarnisaavallaannginneri pissutaallutik Kalaallit Nunaata sinnerani sinerissap qanittuani aalisakkanut naliliinerit biologit iluamik nalilersorsinnaanngilaat. Tamatuma kinguneranik sumiiffinni taakkunani 2017-imut pisassiissutit qaffasissusissaannik kaammattuisoqarsinnaanngilaq.

Aqutsiveqarfik Upernavimmut 2017-imi kaammattuutaasimapput 6.300 tonsit, taakkulu 2016-imut siunnersuinerup amerlaqatigai. Inuussutissarsiutigalugu oqaluttuarisaanikkut aalisarnermiit paasissutissat aamma peqassutsimik biologit misissuinerat pissutigalugit paasissutissat siunnersuinerimut tunngaviupput.

Aqutsiveqarfimmut Qeqertarsuup Tunuanut tunngatillugu 2017-imi annerpaamik 6.400 tonsit pisarineqartussatut inassutigineqarput, tamannalu 2016-imut sanilliullugu 1.600 tonsinik appariarneruvoq.



Aqutsiveqarfimmut Uummannamut tunngatillugu 2017-imi pisarinqartussat 6.500 tonsinik qaangiissanngitsut inassutigineqarpoq, tamannalu 2016-imut sanilliullugu 500 tonsinik qaffariarneruvoq.

Naalakkersuisut 2017-imi aalajangerput aqutsiveqarfinni pingasuusuni taakkunani pisassiissutit 2016-imut sanilliullugu ikilisinneqalaassat. Pisassiissutit biologit siunnersuisarnerannit qaffasinneroreerput. 2016-imut nutaatut aqutsivimmut ataatsimut 100 tonsinik immikkut pisassiisoqarpoq, qullukkiormut sunngiffimmi aalisartunit tunineqarsinnaasut. Tamanna 2017-imi uteqqinneqanngilaq, taamaalillunilu TAC tamarmiusoq 300 tonsinik apparpoq.

Tabel 5: Sinerissap qanittuani qaleralinniarnermut TAC 2011-2017(tonsit).

Sumiiffik pisassiissuteqarfiusoq	2011	2012	2013	2014	2015	2016	2017
Qeqertarsuup Tunua	8.000	8.300	9.200	9.000	9.500	9.500 + 100	9.500
Uummannaq	6.000	6.300	7.550	9.379	9.500	9.500 + 100	9.500
Upernavik	6.500	6.800	7.950	9.015	9.200	9.200 + 100	9.200
<b>Qalerallit katillugit</b>	20.500	21.400	24.700	26.394	28.200	28.500	28.200

Pissarsiffik: KANUAANA.



### 3.3 Saarullit

#### 3.3.1 Avataasiortut

2017-imi kitaani avataasiortunut saarullit toqqaannartumik aalisarfigineqassanngitsut ICES-imit inassutigineqarpoq, matumani suffisinnaasut amerliartortitseqqilernissaat tunngavissilluarniarlugit. Tassanilu 2017-imi misileraalluni pisassiissutit 5.000 tonsiusut pilersinneqarput.

Saarullinnut aqutsinissamik pilersaarut pilersitseqqinnissamik pilersaarutaasoq Pinnortitaleriffiup, Aalisarneq pillugu Siunnersuisoqatigiit, KANUAANA-p aamma Aalisarnermut Piniarnermut Nunalerinermullu Naalakkersuisoqarfiup akornanni suleqatigiinnikkut pilersinneqarsimavoq. Aqutsinissamik pilersaarutikkut avataani saarullinnut misileraalluni aalisarnermut pisassiissutit 10.000 tonsinik aalajangersaasoqarpoq piffissamut ukiunut pingasunut sivilissusilimmut, tassani Tunu aamma Kujataata Kitaa (NAFO 1F) matussuserneqarlutik, avataani saarullit taakkualu katitigaanerat pillugit paasissutissanik amerlanerusunik pissarsiniarluni. Tamannali 2016-imi immikkut 6.000 tonsinik qaffaaffigineqarpoq, tamannalu 2017-imi attatiinnarneqarluni. Taamaattumik misiligutissanik tiguisarnissanut piumasaqaatinik kiisalu suffinerup nalaani aalisartoqannginnissaanut aalajangersaasoqarpoq. Taamaasiornikkut ilisimasat annertunerusut katersorneqarsinnaapput peqatigitillugulu aalisagaqassutsimik pilersitseqqilluni.

Isumaqatigiissutaasut naapertorlugit Tunumi saarullinnik EU 2.200 tonsinik, Norge 1.200 tonsinik Savalimmiullu 1.225 tonsinik pisassinneqarput. Taamaalilluni Tunumi 2017-imi pisarisassatut 16.000 tonsiugaluartunit Tunumi saarullinnut pisassiissutit 11.375 tonsit sinnerussimapput.

#### 3.3.2 Sinerissamut qanittumi

Kalaallit Nunaata Kitaani sinerissamut qanittumi saarullinniarnermut 2017-imut biologit siunnersuinerat TAC 12.379 tonsiuvoq, tassa 2016-imisulli. Naalakkersuisut 2017-imut TAC-ip 36.500 tonsiunissaa toqqarsimavaat, tamannalu 2016-imut sanilliullugu 1.100 tonsinik qaffaaneruvoq.

Tabel 6: Sinerissap qanittuani saarullinniarnermut TAC 2013 – 2017 (tonsit).

Sinerissap qanittuani	2013	2014	2015	2016	2017
TAC	13.500*	18.500**	27.500***	35.400	36.500

Pissarsiffik: KANUAANA.

\*September 2013-imi sinerissamut qanittumi pisassiissutiniit 1.500 tonsit avataasiarluni pisassiissutitut nuunneqarput.

\*\*November aamma decembarimi pisassiissutit 1.500 tonsinik aamma 2.000 tonsinik qaffanneqarput.

\*\*\*Novembarimi pisassiissutit 2.500 tonsinik qaffanneqarput.

## 4. Aalisakkat allat - avataasiarluni

### 4.1. Kalaallit Nunaata Kitaa

#### 4.1.1 Tupissutit

Kalaallit Nunaata kitaani tupissutit (imminnguit) pillugit siorna 2017-imi siunnersuineq suli tassaavoq ukiuni aggersuni toqqaannartumik aalisarneqassanngitsut, tassa iminnguaqassutsip pitsanngoriartornera takuneqarnikuunngimmat. Pinnortitaleriffiuttaaq nalilerpaa siunnersuisoqarnerani sivilissuunik 'toqqaannartumik aalisartoqarneq ajorpoq' atorneqartoq, taamaalillunilu ukiut pingasut allortarlugit siunnersuisarneq atorneqarunnaarsimalluni. Akerlianilli Pinnortitaleriffik peqassutsimik nakkutilliissaaq aamma peqassutsimi allannortoqarpat Naalakkersuisut ilisimatissallugit.

Aalisarnerni allani saniatigut pisarisuukkat aamma annertunerpaamik killilerneqarsimasariaqarput. Aalisarnermik inuussutissarsiteqartut imminguanik saniatigut pisarisuugaqarani qaleralinniartoqarsinnaanngitsoq nalileqqippaat. Taamaammatt ukiut siuliisuut 2017-imi 1.000 tonsinik saniatigut pisarisuukkanut pisassiinissaq Naalakkersuisut aalajangiuppaat.

#### 4.1.2 Suluppaakkat

2017-imut Sebastes mentella-mut Kitaani biologit siunnersuinerat nangillugu aalisakkanut toqqaannartumik aalisartoqassanngitsoq inassutigineqarpoq. Raajarniarnermi suluppaakkanik saniatigut pisarisuukkat annertunerpaamik killilerneqarsimasariaqarput.

Naalakkersuisut 2017-imut aalajangiippat S. mentella-mut 1.000 tonsit saniatigut pisarineqarsinnaasut.

#### 4.1.3 Nataarnat

Aalisagaqassutsimut tassunga biologit siunnersuuteqanngillat nataarnanillu pisat killeqartorujussuullutik siunnersuineranut atugassanik paasissutissanik katersiniarnermut atatillugu.

Naalakkersuisut aalajangerput 2017-imi nataarnanut pisassiissutit 1.000 tonsiussasut, tamannalu 2016-imut sanilliullugu allannguinerunani. Aalisarneq pillugu isumaqatigiissut nutaaq tunngavigalugu EU pisassinneqaqqissanngilaq, tassa pisassiissutit tamarmik qaleralinniarluni avataasiorluni aalisarnermut atatillugu saniatigut pisatut pisassiissutaallutik.

#### 4.1.4 Qeeqqat

Biologit 2017-imut suli kaammattuutigaat qeeqqat toqqaannartumik aalisarneqassanngitsut. Taamaammatt raajarniarnermi saniatigut pisarisuukkat sapinngisamik killilersimaarneqassapput. Qeeraqassuseq pitsanngoriaateqartoq ukiuni kingullerni paasineqarsimavoq, tamassumalu neriuarsisippaa qeeqqat ikkannersuarni siunissami amerleqqissasut. Naalakkersuisut 2017-imut saniatigut pisatut pisassiissutit 1.025 tonsit aalajangerpaat, tassa 2016-imisut.

#### 4.1.5 Ammassat

Kalaallit Nunaata kitaani ammassaqassutsimik naammattumik ilisimasaqannginneq pissutigalugu biologit siunnersuinngillat. Ukiuni 1997-1999 aamma 2010-mi 25.000 tonsinik pisassiisoqarpoq, ammassanniartoqanngilarli. Taamaattumik 2012, 2013 imaluunniit 2014-imi pisassiissutinik aalajangersaasoqanngilaq, raajarniarnermi saniatigut pisarisuukkanut pisassiissutinik 2015-imut 3.000 tonsinik aalajangersaasoqarpoq ukiut siulii assigalugit. Taamatut saniatigut pisatut pisassiissutit 3.000 tonsit 2016-imi 2017-imilu aalajangiusimaneqarput.

#### 4.5.6 Saattussat

Aqutsivimmi Nuuk-Paamiuni 2017 aamma 2018-imut avataasiorluni saattuarniarnermi biologit siunnersuineranni 1.000 tonsit pisassiissutaapput, Sisimiunilu suli matoqqassasoq kaammattuutigineqarluni naak annikitsumik siuariartoqaraluartoq. Aqutsiveqarfinni Qeqertarsuup Tunua-Uummannamut, Maniitsoq-Kangaamiunut aamma Narsaq-Qaqortumut suli siunnersuisoqanngilaq.

Maannakkut Kalaallit Nunaanni avataasiorluni saattuarniartoqanngilaq, avataasiornermi saattuat EU-p aamma Kalaallit Nunaata akornanni aalisarneq pillugu isumaqatigiissutaanni ilaajunnaarmata. Taamaammatt assagiarsunniarnissamut avataasiortut pisassaannik aalajangersaasoqarneq ajorpoq.



Tabel 7: Avataasiorluni saattuarniarnermut pisassiissutinit pisassat 2008-2017 (tonsit).

Avataasiornermi pisassiissutit	2008	2009	2010	2011	2012	2013	2014	2015	2016	2017
Pisassiissutinit pigisat	500	1.930	900	500	500	250	250	125	-	-
Taakkunannga EU-mut	500	500	500	500	500	250	250	125	-	-

Pissarsiffik: APN.

## 4.2 Tunu

### 4.2.1. Tupissutit (Imminnguit)

Tunumi 2017-imut tupissutit pillugit biologinit aamma siunnersuisoqanngilaq. Maannakkut aalisarnerup takutippaa tupissuteqassuseq appasissorujussuusoq. 2017-imut TAC-it 1.000 tonsinut aalajangiunneqarput, taannalu qaleralinniarluni saniatigut pisisuukkanik pisassiissutit aalajangiunneqarpoq, tamannalu ukiut siuliinisut peruserineqarpoq.

### 4.2.2 Suluppaakkat – Tunu Islandilu

Tunumi suluppaakkat tassaapput suluppaagaqatigiit marluk akuleriit: suluppaakkat angisuut (*Sebastes norvegicus*) aamma suluppaakkat itisoormiut (*Sebastes mentella*).

Suluppaakkat angisuut (*Sebastes norvegicus*) siaruarsimaffigisaat Kalaallit Nunaanniit Islandimut Savalimmiunullu annertussuseqarpoq. Aalisarnerup annertunersaa Islandip imartaani ingerlanneqartarpoq. ICES-imi biologit 2017-imut kaammattuutaat tassaavoq Tunumi, Islandimi Savalimmiunilu sumiiffinni tamani suluppaakkat angisuut amerlanerpaamik 52.800 tonsit pisarineqassasut. Tamanna 2016-imi siunnersuinermt sanilliullugu 1.800 tonsinik qaffariarneruvoq.

2017-imut *S. mentella* ICES-imi siunnersuinermt 1.120 tonsit annerpaamik pisarineqassasut siunnersuutaavoq, tamannalu 2016-imut sanilliullugu affaannangortitsineruvoq. Siunnersuineq taanna 2009-mili peqassutsip appariartorneranik 2012-miilli nutaanik takkuttoqarsimannginneranik piviusunik tunngaveqarpoq. Aammattaaq suluppaakkat angisuut sunnertiasuararsuupput, tassa arriitsumik alliarortaramik, kingusissukkut kinguaassiorsinnaalerlutik amerlasuujullutik ingerlaartarlutik.

Aalisakkat taakku marluk immikkoortikkuminaapput Pinngortaleriffillu naliliilluni pisat tasaanerusartut 36 %-it suluppaakkat angisuut 64 %-illu suluppaakkat *norvegicus*.

### 4.2.3 Suluppaakkat – Irmingerip Imartaa

Irmingerip imartaani suluppaakkat itisoormiut (*Sebastes mentella*) ataatsimoorussamik suluppaagaapput, Kalaallit Nunaata, Islandip Savalimmiut aamma Nunat tamalaat imartaanniittartut. Nunat tamalaat imartaanni aamma aalisarneqarsinnaammat NEAFC aqutugalugu aqutsivigineqarpoq. Taamatut naalagaaffiit sineriiallit isumaqatigiissutaanni naalagaaffiit sineriiallit pingasut 60%-imik, NEAFC-imilu ilaasortat sinneri (Norge, EU aamma Rusland), nunat tamalaat imartaanni aalisartartut 40%-imik pisasaqartinneqarput. Rusland-imilli isumaqatigiissut akuerineqanngisaannarsimavoq, annertoorujussuarmillu aalisarnermik ingerlatsinini aalajangiisimallugu.

Irmingerip imartaani suluppaakkat itisoormiut immikkoortunut marlunnut avissimapput, qaffasinnerusumiittut itinerusumiittullu. Suluppaakkat immikkoortut taakku marluk itisumiittarnermikkut avissaarlunnarsimasuupput, qaffasinnerusumiittut immami 500 meterinik ikannerusumiittarlutik, itinerusumiittartullu 500 meterinik itinerusumiittarlutik. Qaffasinnerusumiittartut amerlanerusumik kalaallit imartaanniinnerusumiittarput, itinerusumiittartullu Island-imiut imartaanniinnerusarlutik.



Aalisariutit Kalaallit Nunaanneersut 2004-ip kingorna toqqaannartumik aalisarnermi peqataasimangillat, paarlattuanilli aalisarsinnaanermut pisinnaatitaaffini tamakkerlugit Aalisarneq pillugu Isumaqatigiissut aqutigalugu EU-mut tunisimallugit. Irmingerip imartaani kalaallit suluppaagartassaat 2017-imi 1.669 tonsiusimapput. Annertussuseq tamarmiusoq EU-mut (Aalisarneq pillugu Suleqatigiinnissamik Isumaqatigiissut naapertorlugu) aamma Norge-mut ingerlateqqinneqarsimavoq (nunat marluk akornanni aalisarnermik isumaqatigiissut naapertorlugu norskit imartaanni kalaallit aalisariutaannut aalisarsinnaanermut periarfissamut taarsiullugu).

#### 4.2.4. Nataarnat

Tunumi nataarnat pillugit biologinit suli siunnersuisoqanngilaq. Naalakkersuisut 2016 assigalugu 2017-imut 2.000 tonsinik TAC-imik aalajangersaapput. Tamatumunnga pissutaaneruvoq nunat marluk isumaqatigiissutaat naapertorlugu Norgep 10 tonsinik pisassinneqarnissaa, sinnerilu saniatigut pisarisuukkatut pisassiissutaallutik.

#### 4.2.5. Qeeqqat

Tunumi qeeqqat milallit nimertuuaqqallu pillugit biologinit siunnersuisoqanngilaq. Naalakkersuisut aalisakkanut marlunnut tunngatillugu 2017-imut saniatigut pisarisuukkanut pisassiissutit 1.000 tonsit aalajangiuppaat, taakkulu ukiut siuliinut sanilliullugit allanngunngillat.

#### 4.2.6. Ammassat

Imartani Jan Mayenip Islandip aamma Kalaallit Nunaata akornanni ammassat ataatsimut ammassaatigineqarput, taakkulu Norgep, Islandip aamma Kalaallit Nunaata akornanni pingasuulluni isumaqatigiissutikkut malittarisassaqartinneqarlutik. Nunat taakku pingasut suleqatigiillutik TAC-imik aalajangersaassapput Island-imi Imaani Iisimatusarnermut Instituttimit siunnersuineq tunngavigalugu.

Ammassat pillugit isumaqatigiissut arlaleriarluni TAC-mik aalajangersaaniarnermi isumaqatigiissutigiuminaattarsimavoq. Ukioq pisassiivusooq 20. junimiit ukiup tulliani 30. aprilimut ingerlasarpoq. Sumiiffimmi tamarmi maajimi aamma junimi ammassat suffinermi eqqissimatitaasarput. Nalinginnaasumik utaqqiisaasumik TAC-inik juunimi aalajangersaasoqartarpoq, oktobarimi iluarsaassamik siunnersuisoqartarluni kiisalu ukiup tulliani inaarutaasumik januaari/februaarimi TAC aalajangersarneqartarluni. Taamatut siunnersuinerit ukiumut arlaleriarluni Islandimit ilisimatusarnikkut angalanerit tunngavigalugit ingerlanneqartarput. Nunat pingasut isumaqatigiissutaat naapertorlugu Kalaallit Nunaat biologit siunnersuineranniit 11 %-imik pissarsisussaavoq, peqatigitillugulu EU-mik aalisarneq pillugu Isumaqatigiissut aqutigalugu EU kalaallit pisassaasa ilaasa 70 %-iannik neqeroorfiginissaa aalajangersarneqarluni.

Kalaallit Nunaata EU-mik november 2016-imi isumaqatigiinniarnerni ammassanut aallaqqaammut siunnersuinermi 0 tons siunnersuutaavoq, tamannalu pissutigalugu Kalaallit Nunaat EU-mut ammassanut pisassiissutinik neqeroorsinnaasimangilaq. Kingornagut siunnersuinermi pisassat 57.000 tonsinut qaffaaffigineqarput, taamaammallu Kalaallit Nunaat ammassattassanik 4.389 tonsiusunik EU-mut neqeroorsinnaalerpoq. EU neqeroorummut tassunga akuersivoq.

Piffissami aalisarfimmi 2016/2017-imi TAC tamarmiusoq 299.000 tonsinut aalajangiunneqarpoq. Tamatuma kinguneraa Kalaallit Nunaat EU-mut katillugit 23.023 tonsinik neqeroorsinnaalermat, tamannali EU-mit itigartinneqarpoq. Tamanna pissutigalugu 2017-imi EU-mut ammassat 4.389 tonsinik pisassinneqarpoq.

#### 4.2.7. Saarullernat

Saarullernat nunat sineriiallit ataatsimut aalisagaatigaat, TAC-mit amerlanerpaat nunanit sineriialinnit EU-mit, Norgemit, Savalimmiunit Islandimillu avinneqartarlutik. Kalaallit Nunaat

nunat pingajuattut NEAFC-milu isumaqatigiisummit atsiqataasutut saarullernanik annikitsunik pisassinneqarpoq, taamatullu aamma Rusland taanna nunatut sinerialittut akuerisaasimangitsoq.

Naalagaaffiit sineriallit saarullernat pillugit 2017-imi TAC pillugu isumaqatigiisuteqarput, tassani Kalaallit Nunaat 7.268 tonsinik pissarsilluni. Tamanna 2016-imut sanilliullugu 2.703 tonsinik qaffariarneruvoq. Pisassiissutit NEAFC-ip aqutsivigisaani Savalimmiormiullu aalisarfianni Savalimmiunut isumaqatigiisuterput naapertorlugu aalisarneqarsinnaapput. Kalaallit Nunaat 2017-imi taamaalilluni Savalimmiormiut aalisarfianni 20.268 tonsinik aalisarsinnaalerpoq, tassami Kalaallit Nunaat Savalimmiunut isumaqatigiisut malillugu saarullernanik 13.000 tonsinik tunineqarsimammat.

Naalakkersuisut 2017-imi saarullernanut misileraalluni aalisartoqarnissaanut 10.000 tonsinik pilersitsiniarlutik aamma aalajangerput, taakkualu avaleraasartoorniarnermut peqataasunit aalisarneqarsinnaallutik. 2017-imi pisassiissutaasunit taakkunanga aalisartoqanngilaq.

#### **4.2.8 Ammassassuit**

Ammassassuit, kalaallit imartaanniittut qularnangitsumik atlantikut avannaani ataatsimoorussamik aalisagaqatigiit ilagaat, tassa atlanto-skandisk ammassassuit (norgemi upernaakkut suffisartut). Atlanto-skandisk ammassassuarnut 2017-imi siunnersuineq 646.075 tonsit missaanniippoq. Tamanna 2016-imiit 329.199 tonsinik qaffariarneruvoq, taamani 316.876 tonsiusimammata.

Naalakkersuisut 2017-imi Kalaallit Nunaata aalisarfiani 30.000 tonsinik pisassiissuteqarput. 2017-imi Tunumi pisarineqartut 10.281 tonsiupput, kalaallillu aalisariutaasa Savalimmiormiut aalisarfianni ammassassuit 2.500 tonsit aalisarsimallugit.

#### **4.2.9. Avaleraasartuut**

Tunumi avaleraasartuut atlantikut avannaata kangiani avaleraasartuutigisat ataatsimoorussat ilagaat. Avaleraasartuunut ICES-mit 2017-imut siunnersuineq 944.302 tonsiusimavoq. Naalakkersuisut 2017-imut pisassiissutitut aalajangiussaata 66.365.000 tonsiupput. Pisassiissutit taakkua 15 %-ii nunat tamalaat imartaanni aalisartariaqarsimapput, tamatumunngalu pissutaavoq. Kalaallit Nunaat nunatut sinerialittut 2016-imi akuerineqarsimammat. Kalaallit Nunaanni avaleraasartuunik pisat tamarmiusut 36.729 tonsiupput.

Avaleraasartuut NEAFC tassungalu atasumik naalagaaffiit sineriallit isumaqatigiisutaasigut aqutsivigineqarput. Piffissamili 2010-2014-imi isumaqatigiisuteqartoqanngilaq, tassami naalagaaffiit sineriallit EU, Norge, Savalimmiut aamma Island-ip agguassinissaq isumaqatigiisutigisinnaanngimmassuk. 2014-mili ilaannakuusumik naalagaaffiit sineriallit akornanni EU-mit, Norge-mit Savalimmiunillu isumaqatigiisusiorqarpoq. NEAFC-mili ilaannakuusumik isumaqatigiisummut tassunga amerlanerussuteqartoqanngitsoorpoq, taamaattumillu nunat tamalaat eqqarsaatigalugit inatsisitigut pisussaaffiliisuunani.

#### **4.2.10 Kapisillit ilaat guldlaks (misileraalluni aalisarneq)**

Tunumi aamma Kalaallit Nunaata Kitaani kapisillit ilaannut guldlaksinut misileraalluni aalisarnermik Naalakkersuisut 2017-imi aallartitsipput katillugit 3.500 tonsinik pisassiillutik. Pisassiissutaasunit 665 tonsit 2017-imi aalisarneqarput.

#### **4.2.11 Tinguttuut, Lange aamma Blålange (misileraalluni aalisarneq)**

Tunumi ilaatigut saarullinniartoqarnerani tinguttuunik, lange-nik blålange-nillu saniatigut pisaqartoortarnerup annertuallaarnera pissutaalluni Tunumi ningittagarsorluni tinguttuunik, lange-nik aamma blålange-nik misileraalluni aalisartoqarnissaa Naalakkersuisut toqqarsimavaat. 2017-imi



tinguttuunut 1.025 tonsinik pisassiisoqarpoq, immikkut langenuk imaluunniit blálanginut pisassiisoqarnani. 2017-imi Kalaallit Nunaanni tinguttuut 350 tonsit aalisarneqarput.

## 5. Aalisakkat allat - sinerissap qanittuani

### 5.2 Kalaallit Nunaata Kitaa

#### 5.2.1 Saattussat

Saattuarniarneq pillugu nalunaarut nutaaq Naalakkersuisut 2004-mi akuersissutigaa. Ilaatigut tamatuma manna kinguneraa, sinerissamut qanittumi saattuarniarneq aqutsivinnut immikkoortunut arfinilinnut tamarmik immikkut pisassiiffiusunut agguarneqarsimavoq. Angallat ataaseq amerlanerpaanik aqutsiveqarfinni marlunni aalisarsinnaanermut akuersissuteqarsinnaavoq. Aammattaaq 64°15 A-ip avannaaniittoq ukiumi qaammatini siullerni pingasuni aalisarnermut matoqqasarpoq.

Biologit 2017-imut siunnersuutaat 2016-mut sanilliullugu allanngungaangilaq, tassa aqutsiveqarfinni Nuuk-Paamiut annerpaamik 200 tonsit aamma aqutsiveqarfinni Qeqertarsuup Tunuani annerpaamik 400 tonsit aamma aqutsiveqarfinni Sisimiuni annerpaamik 300 tonsit pisassatut inassutigineqarput. Paasissutissat amerlannginnerat pissutigalugit aqutsiveqarfinnut Maniitsumut aamma Narsaq-Qaqortumut siunnersuisoqangilaq.

2017-imut TAC biologit siunnersuutaannit qaffasinneruvoq, Upernavimmi 225 tonsit, Qeqertarsuup Tunuani 525 tonsit, Sisimiunit 500 tonsit, Maniitsoq-Kangaamiuni 225 tonsit, Nuuk - Paamiut -ni 1.200 tonsit aamma <sup>3</sup> Narsaq – Qaqortumi 225 tonsit. Taakkunani 2017-imi saattussanut 2.900 tonsit pisassiissutigineqarput.

Tabel 8: Sinerissamut qanittumi saattuarniarnermut TAC 2009 – 2017 (tonsit).

Sinerissap qanittuani	2009	2010	2011	2012	2013	2014	2015	2016	2017
TAC	2.150	3.150	2.280	2.330	2 780	2.800	2.800	2.900	2.900

Pissarsiffik: APN.

#### 5.2.2 Uiluut

2004-miilli biologit siunnersuisarnerat allanngornikuunngilaq aalisarnermillu inuussutissarsiuteqartunit uiluinniarnermik aqutsinerup allanngortinneqarnissaanik kissaateqartoqarnikuunani. Taamaattumik Naalakkersuisut pisassiiffiit pisassiissutillu annertussusaat taakku aalajangiusimaniarlugit toqqarsimavaat, taamaalilluni 2017-imut TAC 2.520 tonsinut aalajangerneqarluni, soorlu tamanna tabel 7-imi takutinneqartoq.

<sup>3</sup> Sinerissamut qanittumi 200 tonsit avataasiornermilu 1.000 tonsit

Tabel 9: Saattuarniarnermut TAC 2009 – 2017 – (tons).

Sumiiffik pisassiissuteqarfiusoq	2009	2010	2011	2012	2013	2014	2015	2016	2017
Nuuk	720	720	720	720	720	720	720	720	720
Aqajarua*	0	0	0	0	0	0	0	0	0
Attu**	100	100	100	400	400	400	400	400	400
Sisimiut - Kujataa ( Saqqaq)	400	400	400	400	400	400	400	400	400
Sisimiut – Avanna (Kangaarsuk)	700	700	700	700	700	700	700	700	700
Nassuttooq	300	300	300	300	300	300	300	300	300
<b>Uluuut katillugit</b>	<b>2.220</b>	<b>2.220</b>	<b>2.220</b>	<b>2.520</b>	<b>2.520</b>	<b>2.520</b>	<b>2.520</b>	<b>2.520</b>	<b>2.520</b>

Pissarsivik: APNN.

### 5.2.3 Kapisillit

Kapisillit aalisagaapput nikerartorujussuusartut aammalu Atlantikup avannaani kapisilinnik aqutsiveqarfik NASCO (North Atlantic Salmon Conservation Organization) aqutugalugu malittarisassaqqartinneqarlutik.

ICES-imi biologit siunnersuineranni 2015-imut peqassuseq navianartorsiortorujussuuvooq, 2009-miilli taamaannikuulluni. Naliliisoqarpoq kapisileqassuseq oqaluttuarisaanermi appasinnerpaamiittut, maannamullu iliuuserineqartut peqassutsip pitsanngoriartortinneqarneranut ikiuutaasutut isikkoqarnatik. Taamaalluni Kalaallit Nunaata 2002-miilli ukiumut 20-50 tonsinik taamaallaat nammineq atugassanik aalisartarnerata sunniuteqarneranik takussutissaqarani.

Ullut 1-5. Juni 2015 Ukiumoortumik ataatsimiinnermi Kalaallit Nunaata Kitaa pillugu Ataatsimiititaliami susassaqqartut Kalaallit Nunaanni kapisilinniarneq pillugu ukiunut pingasunut (2015-2017) aqutsinissamik nutaamik isumaqatigiissuteqarput. Juni 2015-imi Kitaanut Kommissionimi akuusut nutaamik aqutsinissamik isumaqatigiissut (2015-2017) Kalaallit Nunaanni kapisilinniarnermut isumaqatiginninniutigaat, tassani nammineq atugassanik kapisilinniarneq akuersarneqarluni, nammineq atugassanik aalisarnermik taaneqartartoq. Tamatuma ilaatigut kingunerissallugu aalisarnerup killilersimaarneqarnissaa 45 tonsinik aalajangersimasumik pisassiisoqartarluni kiisalu nalunaarusiortarnerup aalisarnerullu nakkutigineqarnerata pitsaanerulersinneqarnissaannik Kalaallit Nunaata pisussaaffeqarnera.

Ulloq 4. august 2015-imi Naalakkersuisut aalajangiuppaat, kapisilinnut 45 tonsinik pisassiissutinik pilersitsiniarlutik NASCO-mik ukiunut pingasunut nutaamik isumaqatigiissut naapertorlugu, pisassiissutit taakku inuussutissarsitugalugu aamma sunngiffimmi aalisartunut atuupput. Ilanngullugu Naalakkersuisut aalajangiuppaat, tunitsivinnut kapisilinnik tunisisoqartassanngitsoq aammalu taamatut aalajangerneq naliliiffigineqarsinnaassasoq.

## 5.3 Tunu

### 5.3.1 Sinerissap qanittuani misileraalluni aalisarneq (Tunu)

2016-imi Tunumi sinerissamut qanittumi misileraalluni aalisarnermik aallartitsisoqarpoq, piffissamimi tassani toqqaannartumik aalisartoqqartanngimmat. Tunumi annikitsuaraannarmik aalisartoqqartarpoq, taamaattumik misileraalluni aalisarnissaq pilersinneqarpoq sumiiffik misissuiviginjarlugu aamma Tunumi sinerissamut qanittumi aalisarnerup annertusisinneqarsinnaaneranun tunngavik misissuiviginjarlugu. Sinerissamut qanittumi misileraalluni aalisartoqarsinnaanera 3 sømilitut killeqarfiup iluanut akuerineqarpoq.



Aalisakkat tulliuuttut aalisarneqarsinnaanerit akuersissutigineqarpoq: qalerallit, saarulliit, suluppaakkat, nataarnat, brosmet, saattuat, qeqqat aamma eqaluit. Ningittagarsorluni, qassusersorluni imaluunniit pullasersorluni aalisarnissamut akuersissuteqartoqarpoq. Peqatigitillugit umiarsuit akuerisaasut angallatinut mikinerusunut tunitsivittut atuutissapput. 2017-imi pisassiissutinit akuleriinnit taakkunannga katillugit 592 tonsit aalisarneqarput.

## **7. Illugiilluni isumaqatigiissutit**

Aalisakkanut assigiinngitsunut Naalakkersuisut TAC-mik ukiumoortumik aalajangiinerisa kingorna Kalaallit Nunaata nunallu Kalaallit Nunaata aalisarneq pillugu isumaqatigiissusiorfigisaasa akornanni pisassiissutit agguataarneqartarput. Pisassiissutinik paarlaasseqatigiinnerit ataani allaaserineqarput. Agguaassineq aamma ilanngussami 1-imi takuneqarsinnaavoq.

### **7.1. EU**

EU-mut aalisarneq pillugu suleqatigiinnissamik isumaqatigiissut Kalaallit Nunaata aalisarneq pillugu isumaqatigiissutaani pingaarnersaavoq. Isumaqatigiissut ilanngussatigut aqutsivigineqartarpoq. Isumaqatigiissummut ilanngussat ingerlaavartumik nutarterneqartarput. Ilangussaq nutaaq ulloq 1. januar 2016-imi atuutilerpoq atorunnaassallunilu 31. december 2020-mi. Ilangussakkut pisassiissutit annertussusaat Kalaallit Nunaata EU-mut aningaasanik taarserlugit neqeroorutigisartagai allanneqarsimapput taakku ukiumoortumik Kalaallit Nunaannut aalisarsinnaatitaanermik pisinnaatitaaffinnut akiliutinit 135 million kronit missaannik iluanaarutaasarput. Tabelini tullinnguuttuni pisassiissutit Kalaallit Nunaata 2017-imi EU-mut illuartitai takutinneqarput.

Tabel 10: Tunumi EU-p aalisarnissamut periarfissai 2016-2020 (tonsit).

Uannga aaneqarput: [https://ec.europa.eu/fisheries/cfp/international/agreements/greenland\\_da](https://ec.europa.eu/fisheries/cfp/international/agreements/greenland_da)

<b>Fiskerimuligheder i henhold til protokollen (ton)</b>	
	<b>2016-2020</b>
<b>Torsk</b>	1 800
<b>Pelagisk rødfisk</b>	2 200
<b>Demersal rødfisk</b>	2 000
<b>Hellefisk – vest</b>	2 500
<b>Hellefisk – øst</b>	5 200
<b>Dybhavsrejer - vest</b>	2 600
<b>Dybhavsrejer - øst</b>	5 100
<b>Lodde</b>	20 000
<b>Langhalearter - vest</b>	100
<b>Langhalearter - øst</b>	100
<b>Bifangster</b>	1 126
<b>I alt</b>	<b>42 726</b>

Kalaallit Nunaanni pisassiissutinik tunniussinernit isumaqatigiissutaasunit, tabel 10-imi takuneqarsinnaasuni, Agreed Minutes 2016 naapertorlugu EU-mut qaffaassutaasut tassaapput:

- Saarullittassiissutit 400 tonsinik (2.200 tonsinut)

Kalaallit Nunaanni pisassiissutinik tunniussinernit isumaqatigiissutaasunit, tabel 10-imi takuneqarsinnaasuni, Agreed Minutes 2016 naapertorlugu EU-mut qaffaassutaasut tassaapput:

- Suluppaakkanut ikerinnarsiortunut pisassiissutit 436 tonsinik (1.764 tonsinut)
- Suluppaakkanut natersiortunut pisassiissutit 400 tonsinik (1.600 tonsinut)
- Tunumi raajanut 850 tonsinik (4.150 tons)
- Ammassat 15.611 tonsinik (4.389 tonsinut)
- Pisisuukkanut 226 tonsinik (900 tonsinut)

## 7.2. Savalimmiut

Savalimmiormiut Kalaallit Nunaata imartaanni aalisartarnerat annikitsuinnaavoq. Kalaallit Nunaata Savalimmiullu akornanni 2017-imit isumaqatigiissummut tapiliusseq naapertorlugu angallatit Savalimmiuneersut pisassiissuteqarfiusumi Baffinip Kangerliumarngani avannaata kitaani 68°N avannaani qaleralinnik 100 tonsinik aalisarsinnaapput. ° Savalimmiut aamma 2017-imi kalaallit nunaata imartaanni aalisakkanik assigiinngitsunik misileraalluni aalisarsinnaatitaavoq, ilaatigut Tunumi saattussanik, tamakkiisumik pisat 500 tonsit qaangertussaanaq.

Savalimmiut 2017-imi qalerallinnik 325 tonsinik, saarullinnik 1.225 tonsinik aamma saarullernanik 475 tonsinik Tunup avataani pisassinneqarpoq. Paarlattuanik kalaallit aalisariutaasa Savalimmiut imartaani saarullernanik 13.000 tonsinik aalisarsinnaanerit Savalimmiut akueraat.

Kingullertullu Kalaallit Nunaat ammassassuarnik atlanto-skandiskinik Savalimmiunut pisassiissutaasunit 2.500 tonsinik 2017-imi pissarsissaaq. Aalisakkallu taakku, tamanna kissaatigineqassappat, Savalimmiut aalisarsinnaatitaaffiini kalaallit aalisarsinnaassavaat Savalimmiunullu tulaallugit.

### 7.3. Norge

Kalaallit Nunaata Norgellu akornanni isumaqatigiissummut 2017-imut tapiliussakkut angallatit Norgemeersut Kalaallit Nunaata imartaani 2017-imi arlalinnik pisassaqrput, taakkulu tabel 11-mi takuneqarsinnaapput.

Tabel 11: Kalaallit Nunaata eqqaani Norgep 2017-mi pisassai (tonsit).

Suuneri	Pisassiissutit (tons)
<b><i>Kalaallit Nunaata Kitaa</i></b>	
Qalerallit KK	900
Nataarnat	-
<b><i>Tunu</i></b>	
Qalerallit	400
Raajat	-
Suluppaakkat suffisartut	800
Suluppaakkat ikerinnarsiortut	-
Nataarnat	10-t
Tinguttuut	340
Saniatigut pisarisuukkat	150
<b><i>Tunu Kitaalu katillugit</i></b>	
Saarulliit	1.200
Suluppaakkat ikerinnarsiortut	-
Saniatigut pisarisuukkat	-

Norgemi pisassiissutinut taarsiissuteqarnermi Kalaallit Nunaat 2017-imi Barentip Imartaani saarullinnik, kulleramik saarulliusaanillu aalisarsinnaanermut akuerineqarpoq. Tamatuma saniatigut ataatsimut pisarisuukkanut 300 tonsinik pisassiissutaasunit aalisartoqarsinnaanera akuerineqarpoq, takuuk tabeli tullinnguuttoq.

Tabel 12: Norgep eqqaani Kalaallit Nunaata 2016-imi pisassai (tonsit).

Suuneri	Isumaqatigiissut naapertorlugu Kalaallit Nunaannut pisassiissutit
Saarulliit	3.700
Kullerit	900
Saarulliusaat	500
Saniatigut pisarisuukkat	300



## 7.4. Rusland

Kalaallit Nunaat Ruslandimut pisassiissutinik aamma paarlaasseqatiginnittarpoq.

Tabel 13: Ruslandip Kalaallit Nunaata eqqaani 2017-imi pisassai (tonsit).

Suuneri	Kalaallit Nunaata Kitaa
Qalerallit KK	1.225
Qalerallit AK	550
Saniatigut pjarisuuqqat	10 %
Suuneri	Tunu
Qalerallit	600
Suluppaakkat natermiut	500
Saniatigut pjarisuuqqat	10 %

Kalaallit imartaanni pisassiissutinut taakkununga taarsiissutitut Kalaallit Nunaat saarullinnik, kulleriniq raajanik aamma 10%-imik saniatigut pjarisuuqqanik russit imartaanni tunineqarput.

Tabel 14: Ruslandip eqqaani Kalaallit Nunaannut 2017-imi pisassiissutit (tonsit).

Suuneri	Isumaqqatigiissut naapertorlugu Kalaallit Nunaannut pisassiissutit
Saarulliit	5.500
Kullerit	500
Raajat	500
Saniatigut pjarisuuqqat	10 %

## 7.5. Island

Kalaallit Nunaat aamma Island namminneq imartaminni ammassanik aamma Irmingerhavet-imi suluppaakkanik aalisarsinnaatitaapput. Taamatut pisassiissutinik pissarsisinnaaneq aqunneqarpoq 8. juli 2013-miit Islandip aamma Kalaallit Nunaata aalisarnermut imartaminni taartigiillutik aalisarneq pillugu Isumaqqatigiissutaannit. Isumaqqatigiissutikkut namminerisamik imartami nammineq pisassiissutigisanit arlalitsigut killilerlugit aalisarsinnaasoqarpoq. Kalaallit angallataannut tunngatillugit pisassiissutinik pissarsisinnaatitaaneq pingaartumik ukiuunerani Islandip imartaani ammassanni arnermut atorneqartarpoq.

## 7.6 Nunat marluk aamma nunat arlallit suleqqatigiinnerat

Atlantikup avannaani aalisarneq pillugu suleqqatigisanit EU-mit, Norgemit, Savalimmiunit, Canadamit Islandimillu nunat marluk akornanni suleqqateqarneq Kalaallit Nunaata nalinginnaasumik naammagisimaarpaa.

Aamma nunarsuup immikkoortuani aalisarnermik aqutsinermi suleqqatigiiffinnik NAFO-mik, NEAFC-imik NASCO-millu Atlantikup avannaani nunat tamalaat imartaanni aalisarnermik killilersuiffiusunik suleqqatigiinnermut tamanna aamma atuuppoq.

Nunat marluk nunallu tamalaat ataatsimiinnerisa saniasigut 2017-imi aamma Irmingerip Imartaani aamma Norskehavimi suluppaakkat kiisalu Tunumi, Islandimi Savalimmiunilu qalerallit pillugit naalagaaffiit sinerillit arlaleriarlutik ataatsimiittarput. Tamakku saniatigut Kalaallit Nunaat naalagaaffiit sinerillit ataatsimiinnerini alapernaarsuisutut peqataavoq avaleraasartuut, ammassussuit saarullernallu pillugit.

## Ilanngussaq 1: Avataasiorluni aalisarneq, pisassiissutit 2017

		Kol. 1	Kol. 2	Kol. 3	Kol. 4	Kol. 5	Kol. 6	Kol. 7	Kol. 8
		Pisassiissutit	Pisassiissutit nunanut agguarlugit						
Kalaallit Nunaata Kitaa		Katillugit (tons)	aallit Nuna	EU	avalimmiu	Rusland	Norge	Island	Canada
	Raajat	90	86.356	2.600					1.044
	Qalerallit KK	7.575	2.950	2.500		1.225	900		
	Qalerallit AK	8.575	7.925		100	550			
	Saattussat	-	-						
	Tupissutit	1.000	900	100					
	Egalukkat	5.000	5.000						
	Ammassat	3.000	3.000						
	Egalugaasat	2.000	2.000						
	Suluppaakkat	1.000	1.000						
	Nataarnat	1.000	1.000						
	Qeeraaqqat milallit	1.000	1.000						
	Qeeqqat milallit	1.025	1.025						
	Avaleraasartuut	-	-						
	Saniatigut pisisuuk	-	-						
<b>Tunu</b>									
	Raajat	5.000	850	4					
	Qalerallit	9.024	2.499	5.200	325	600	400		
	Saarullit	16.000	11.375	2.200	1.225		1.200		
	Tupissutit	1.000	900	100					
	Suluppaakkat Nor +	7.520	4.525	1.695		500	800		
	Suluppaakkat	1.669	0	1.669					
	Nataarnat	2.000	1990				10		
	Qeeraaqqat milallit	1.000	1.000						
	Qeeqqat milallit	1.000	1.000						
	Ammassat	32.890	28.501	4.389					
	Saarullernat	17.268	17.268						
	Ammassassuit	32.500	32.500						
	Avaleraasartuut	66.365	66.365						
	Guldaksit	3.500	3.500						
	Tinguttuut	1.025	210		475		340		
	Saniatigut pisisuuk	-	-			annerpaamik 10%			
<b>Norge</b>									
	Saarullit	3.700	3.700	-	-	-	-	-	-
	Kullerit	900	900	-	-	-	-	-	-
	Saarulliusaaq	700	500	-	-	-	-	-	-
	Saniatigut pisisuuk	300	300	-	-	-	-	-	-
<b>Rusland</b>									
	Saarullit	5.050	5.050	-	-	-	-	-	-
	Kullerit	500	500	-	-	-	-	-	-
	Raajat	500	500	-	-	-	-	-	-
	Saniatigut pisisuuk	annerpaamik 10%	annerpaamik 10%	-	-	-	-	-	-
<b>Savalimmiut</b>									
	Saarullernat	13.000	13.000	-	-	-	-	-	-

## Ilanngussaq 2: Sinerissamut qanittumi aalisarneq, pisassiissutit 2017

<b>Kalaallit Nunaata Kit</b>	
Raajat	37.133
Saattuat, Upernavik	225
Saattuat, Qeqertarsuup Tunua - Uummannaq	525
Saattuat, Sisimiut	500
Saattuat, Maniitsoq-Kangaamiut	225
Saattuat, Nuuk-Paamiut	1.200
Saattuat, Narsaq-Qaqortoq	225
Saattuat katillugit	3
Uiluiit, Nuuk	720
Uiluiit, Aqajarua	0
Uiluiit, Attu	400
Uiluiit Kujammut, Saqqaq	400
Uiluiit Avannaa, Kangaarsuk	700
Uiluiit, Nassuttoq	300
Uiluiit katillugit	2.520
Qalerallit, Upernavik	9.200
Qalerallit, Uummannaq	9.500
Qalerallit, Qeqertarsuup Tunua	9.500
Qalerallit, Kalaallit Nunaata sinnera	-
Qalerallit katillugit	28.200
Nipisat NAFO 1A	63
Nipisat NAFO 1B	369
Nipisat NAFO 1C	267
Nipisat NAFO 1D	522
Nipisat NAFO 1E	165
Nipisat NAFO 1F	114
Nipisat katillugit	1.500
<b>Tunu aamma Kitaa</b>	
Saarulliit	37